

NG'OTUTIET NEO NE LEEL

EN NWOGINDO



A Twaweza Communications Publication
Twaweza House
PO Box 66872-00800
NAIROBI.

Kivutha Kibwana
ak
Kawive, Wambua

Translated by Bill Rutto

ARORUNET	3
PART I: NG'OTUTIET NEO NE TECHE BORORIET NE LEEL.....	4
PART II: KURGET EN KURGET	11
KURGET AB 1: BOUNOTET AB EMEET AK NG'OTUTIET NEO	11
KURGET AB 2: EMEET AB KENYA	11
KURGET AB 3: BIIK AK EMEET	12
KURGET AB 4: IMANDA AB BIIK (BILL OF RIGHTS)	12
KURGET AB 5: MBARENİK AK ITONDO AB EMEET.....	18
KURGET AB 6: KANDONATET.....	20
KURGET AB 7: TELEJINET AB BIIK	21
KURGET AB 8: KOT NEGING'OTEN NG'OTUTIK.....	22
KURGET AB 9: BOUNISIET AB EMEET	23
KURGET AB 10: KAPKIRWOOG	24
KURGET AB 12: RABISIEK AB EMEET.....	26
KURGET AB 13: BOISIONIK AB EMEET (PUBLIC SERVICE)	27
KURGET AB 14: RIIBET AB KALYEET	27
KURGET AB 15: COMMISSIONS	28
KURGET AB 16: WALET AB NG'OTUTIET NEO	29
KURGET AB 17: NG'OTUTIK ALA	30
KURGET AB 18: TETUTIK AK KOKWOUTIK.....	30
KOGESUNET	31

ARORUNET

(i) Ng'otutiet Neo ko nee?

Ng'otutiet Neo ko kosyinetab biik en emeet; kosyinet neboru olemokto biik kindochindo. Ng'otutiet Neo ko toloita netienge ngotutik igo tugul chemengech en emeet. Ng'otutiet Neo kwororu oleboisioto kandoinatet en emeet ak oleteptoo kondoiik ak biik.

En kou noton, ko ng'otut age tugul ne chunchundos kosubenyin ak Ng'otutiet Neo ko buch ng'otutionoton.

Ng'otutiet Neo nebodemocrasia koibe biik koek icheget chebo emeet ak kandoinatet. Ko gondoiik kondoe amun en chomchinet ab biik en kasarta negigiyan. Ng'otutiet Neo koyome koisto kandoinatet nebobo iman, anan ko nemosibi ng'otutik.

Igochin biik ab emeet kondoiik boinisiet kobun Ng'otutiet Neo kotienge chameet ab biik. Ko kounoton, kotinye biik kimnotet neimuche koisto kondoiik en bounisyeet.

(ii) Historia ne nuach nebo Ng'otutiet Neo en Kenya

Kigobois Ng'otutiet Neo en meet ab Kenya kong'eten kenyitab 1963. En kasaratan tugul ko emotinweek alak en Afrika kogikoimak en ng'aleek ab Ng'otutiet Neo; mi alage che gigewirta sergalisiek ab emotinwechoton amun en terchinet ab kondoiseet.

Kindoochi Jaramogi Oginga Odinga kong'eten 1966 bolotet negiyesio walet ab Ng'otutiet Neo negiagonaam en 1964. Walanaton kogigochi chamait ab KANU kimnotet kosir en oret neging'em kandoinatet ab iman en emeet ab Kenya. 1989 ko kenyit ne ginaam biik ab Kenya komach Ng'otutiet Neo ne leel amun kiagong'emak negimii kong'eten 1963. En kenyit ab 1991 ak en 1997, kogiwo barak bolotet nebo walet ab Ng'otutiet Neo kosir en kenyisiek igo tugul—ngandan kiyom sergalit ab KANU koburburen mogutik ab emeet.

Amun en walosiek chechang' en Ng'otutiet Neo kong'eten 1963, kogiyan biik ab Kenya en 1997 kole yomege kewal Ng'otutiet Neo en kotugul koek Ng'otutiet

Neo ne leel. Chemarget negibiit en emeet en lewenisyeet ab 2007 negiitook kole moche Kenya Ng’otutiet Neo ne leel neibu kandoinatet ne leel nebo iman.

Tinye nguni kasarta biik at Kenya kowal Ng’otutiet Neo en kalyeet kobun kura nebo tileet ab ng’aleek (referendum) en tarigit 4 August 2010.

(iii) Tilet ab Ng’aleek (Referendum)

Referendum ko tilet ab ng’aleek kobun kura—nelweni biik koyan anan koesio ng’olion. Referendum nebo Ng’otutiet Neo ko tile tab ng’aleek chetinye ak ibinweek ab koron, ko lewenisiek ab ng’aleek ab bolotet ko leweneet ab kondoiik che lelach en kenysisiek muut (5).

Referendum nenyone koboroidno ab biik koyan anan koesio Ng’otutiet Neo ne leel en Kenya. Kot kebirchi kayanet (YES!), kogochinge biik ab emeet Ng’otutiet Neo ne leel. Ko kotkoesio (NO!), kotese tai Ng’otutiet Neo neboisie nguni.

Kebendi kebire kura nebo Referendum, konyolu koger chi age tugul miendo ab, anan ko yoitiek ab, Ng’otutiet Neo ne leel ak Ng’otutiet Neo neboisie nguni kong’eten kogosich Kenya katiaknatet (Uhuru)—asi komuch kobir kura koyan anan koesio.

Kasarta ni ne gitile chi age tugul en echeck kogon walet neo en emeet. Tarigit 4 August, ko tile ng’aleek chi tugul en echeck olektokyin ke emeet. Ko gi bororiet ab Kenya, ko kagoit kasarta ne tile ng’aleek cheibu walet neo mising. Momi oret age.

PART I: NG’OTUTIET NEO NE TECHE BORORIET NE LEEL

Iboru Ng’otutioni leel oletun tebto biik ab Kenya ak olegitekto emeet en oret ne gararan. En kenysisiek chechang’ kotomo gobwat emoni (Kenya) kipagenge neu nemi emeet ab Tanzania nemengjindos biik ab bororiosiek che terchin en tolosiet. Kenya ko emeet nebo biik che chomege bororiet en bororiet.

Kenya ne leel konyumnyum koek emeet nebo tolosio kou yemwoito Ng’otutiet Neo ne leel en arorunet (preamble) ak en Tiendo ab Bororiot (National Anthem).

Arorunet ab Ng'otutiet Neo ne leel kaboru atebto ak bounisyeet ab emeet en oret nebo iman ak kalyeet.

1. Arorunet (preamble) ab Ng'otutiet Neo ne leel:

- Itorore Komuktoindet;
- Konyiti biik tugul chegiborchige katiaknatet ab emeet and imanda (freedom and justice);
- Konyiti bororiosiek tugul en terchinywan ak koyoni kole isibi bororiosiek etebosiek ak kayanosiek (religions) che terchin en kalyeet en emeet agenge;
- Riibe mogutiik ab chi age tugul, kapchii, bororiet ak emeet tugul;
- Iyoni kole Kenya kobouge en olemoktoo biik ab emeet ak kotienge ng'otutiik chebo iman;
- Iyoni kole tnye Kenya iman ko lewel olemokotoo keboundo ak Ng'otutiet Neo nechome biik.

2. Ng'otutiet Neo ne leel komwoe kole bounotet ab emeet kobo biik ab Kenya. Mwoe kole imuche koboige biik icheget anan kolewen kondoiik chetelendeechin ng'eleekchwaak. Biik ko icheget chebo bounotet; mobo bounotet biik ab bolotet anan ko koboitiniik ab emeet, amun icheget ko leweni anan ko sire biik. Ng'otutiet Neo ne leel komwoe kole biik ab Kenya kobo kwong'ut.

3. Ng'otutiet Neo ne leel kotuitos kiboitiniik ab emeet, boisioniik ab sergali ak biik. Ng'otutiet Neo ko "gameet" ab ng'otutiik igo tugul. Mochomnjin chi age tugul kobounis en oret neibor Ng'otutioniton. Mochomto Ng'otutiet Neo bounisiet ab tegeet.

4. Mwoe Ng'otutiet Neo kole Kenya ko emeet nebouge ago momi em age neimuche koboi emoni. Emoni ko emeet neindochin demokrasia ak bounotet ne isibi atebeet nemie nebo emeet.

5. Atebeet ak bounisiet nemie nebo Kenya kotuitos kiboitiniik ab emeet, boisioniik ab sergali ak biik. Atebeet nemie nebo emeet ko:

- Kocham biik emeenywan, kibagenge nebo emeet, pyietaet ab bounotet en oret nebo iman ak demokrasia neyome;
 - Imanda ab chi age tugul (koboto biik chetuteen) ak kandoinatet nemolootu chi;
 - Kandoinatet nemotinye ung'at age tugul ak;
 - Bandap tai nebo emeet.
6. Imanda ab Biik (Bill of Rights) ko toloita negimiite kandoinatet negim ak demokrasia en Kenya. Igimiite banda ab tai, atebwogiik ab bororiosiek ak boisioniik ab sergali en emeet. Iboru Ng'otutiet Neo ne leel kole ribeet ab imanda ab chi age tugul ko oret agenge negochin konyit biik ak bororiosiek en banda ab tai. Mwoe kole magitoyen chi age tugul imandanyin amun imanda komogonunotiot nebo sergali; imanda kotinye kimugulgong' age tugul kong'eten sigeet. Imanda ab Biik (Bill of Rights) komi barak kosir mogutiik ab sergali; ribe imanda ab chi age tugul komaging'em sergali en kasarta age tugul.
7. Amun imbaret kotiiye mogornotet ab emeet ak keljin nebo chi age tugul, ko mwoe Ng'otutiet Neo ne leel agobo imbaret kou ni:
- a. Tinye chi tugul boroinde negerge en kosich imbaret;
 - b. Riboot imbaret ab chi age tugul;
 - c. Teleljinet nemi barak en mogornotet ab imbarenik;
 - d. Ribeet nemie nebo itondo ab emeet;
 - e. Istoet ab kolotuneet en ng'otutiik ab bororiosiek en p'cheet ab mbarenik;
 - f. Chomjin biik kogosyiin en oret ab kipkaa en tiyosiek ab mbarenik.
8. Mwoe Ng'otutiet Neo ne leel kole ribe sergalit neo nebo emeet (Kenya) itondo ab emeet (environment) ak koger kole kogiboisien ak getondonji mogornotet neibu ketiik ak tióng'iik ab timiin en oret nemuche kosich biik tugul keljin. Tinye chi tugul imandanyin komeny ole tilil.
9. Ng'otutiet Neo ne leel kotinye tetutiik chebo kandoinatet ak tagurta. Bo gomonuut koguiyo kiboiot age tugul nebo sergali kole boisiechin emeet amun kochomji biik kobois en kou ni:
- Kosibkee ak tetutiik chemi Ng'otutiet Neo;

- En koborunet ab konyit en biik;
- En kobor konyit en boisiet ne oe;
- En or negochin biik ko gonyit inendet ak boisienyin;
- En or neboru kole boisiechin emeet.

Tetutiik alak chebo kandoinatet ko chu:

- Leweneet ab biik kotienge targurta ab chito, kamugenyin kobois—en leweneet nebo iman nemotinye ung’at age tugul;
- Wolutiik chebo iman—chemorireen anan koloot chi;
- Boisionik chesibi maktaet ab biik kou ni:
 - (i) Boisiet ne isibi imanit;
 - (ii) Boisiet ne chulaat en boisiet ab rabisiek;
 - (iii) Boisiet ne gonuge chito koyai en kimnotet neyomege.

Kouniton, koboru Ng’otutiet Neo ne leel kole kiboitiot ab emeet kokigisir koboisiechi biik en oret nebo barak.

10. Mwoe Ng’otutiet Neo ne leel kole, lewenisiet en emeet kosibi arorutichu:

- Tindo chi tugul chomjinet ak boroindo kolewenis;
- Machamda’at komi murenik ana ko kwonyik chesire oeng’ en somok en boisionik ab kandoinatet chegileweni;
- Tinye imanda biik chemomuchege (disabled) kelewen en kandoinatet anan ko en teleljinet ab magutiik chwaak;
- Lewenisiet en Kenya:
 - i. Kobo ung’at en chito nebire kura (secret ballot);
 - ii. Kobo kalyeet ne motinye komuiso, ng’olso anan ko osoya;
 - iii. Koteleljin kipagenge ne bouge inegen;
 - iv. Kosibi tetutik chemotinye ung’at en or age tugul;

11. Mwoe Ng’otutiet Neo ne leel kole kisibi tetutichu en bounisiet ab emeet (executive authority) en Kenya:

- Bounisiet ab emeet kong’eten biik icheget ak koboisie kosibke ak kokwoutik chemi Ng’otutiet Neo;

- Bounisiet ab emeet koboisie kotienge magutiik ab biik ak en or negochin chi age tugul borotet.
12. Tinye Ng’otutiet Neo ne leel tetutiik chebo kot neging’oten ng’otutiik (Parliament) kou ni:
- a. Kimnotet ab tileet ab ng’otutiik kong’eten biik;
 - b. Kot neging’oten ng’otutiik kotinye itondo ab emeet amun kondoiik ko gikwoe bororiosiek tugul en Kenya;
 - c. Kot neging’oten ng’otutiik kochigili ng’aleek ak koimutiik chetinye biik;
 - d. Kot neging’oten ng’otutiik ne ming’in (Senate) koteleljin ng’aleek ab sergalisiek chemengech (County Governments).
13. Ng’otutiet Neo ne leel kotinye tetutiik chebo kapkirwoog kou ni:
- Kimnotet ab kapkirwoog ak boisoenik ab kirwoknotet kong’eten biik ab Kenya;
 - Boisionik ab kirwogiik kosibi tetutichu:
 - a. Molootu chi ng’otutiik ab emeet;
 - b. Ityin chi tugul imanda kobun ng’otutiik;
 - c. Mogigoenge kirwogutiik ab chi age tugul;
 - d. Kimuche geboisien ng’otutiik ab kipkaa kotkomach chi koboisien, taa gomochunchundos ak ng’otutik chemi Imanda ab Biik (Bill of Rights);
 - e. Kirwogutiik koboisie komo koimutio age tugul;
 - f. Riibe ak kogimiite kapkirwoog tetutiik chemi Ng’otutiet Neo.

Riibe and kogimiite Ng’otutiet Neo kapkirwoog nemobou chi ak kirwoogiik chemobou chi.

14. Ng’otutiet Neo ne leel komwoe agobo sergalisiek chemengech (County Government) kou ni:
- Igimiite demokrasia ak bounotet nebo iman;
 - Igimiite kipagenge nebo bororiosiek en terchinywan;
 - Igochin biik bounisiet ak tileet ab ng’aleek en oret nemokchinge;
 - Igochin bounisiet neibu banda ab tai en biik;
 - Riibe imanda ab biik chetuteen en bororiet;

- Igimiite chigilet ab boisionik ab kebeberweek che ter-ter en sergali.

Tetutiik ab segalisiek chemengechen (County Governments) ko chu:

- Sergalisiek chemengech koboisie en oret ab demokrasia;
- Kigochin sergalisiek chemengech rabisiek cheyome koboisien;
- Machamda'at kosir murenik ana ko kwonyik oeng' en somok en boisionik ab kandoinatet chegileweni (tetutioni kowole itondo ab kandoinatet en Kenya);

15. Ng'otutiet Neo koibu telchinet ab kandoinatet ak bounisiet ne leel; kot neging'oten ng'otutiik, kapkiewoog, sergalit neo nebo emeet (National Government) ak sergalisiek chemengech (County Governments) koteleljinge age tugul ter (separation of powers).

16. Mwoe Ng'otutiet Neo ne leel agobo rabisiek ab emeet kou ni:

- Momi ung'at age tugul en ng'aleek ab rabisiek ab emeet;
- Tetutiik ab boisiet ab rabisiek kou chu:
 - i. Milet ab aisurut kepchee kwoechin en biik tugul;
 - ii. Rabisiek chesiche emeet kepchee kwoechin en sergalit neo ak sergalisiek chemengech;
 - iii. Kiboisien rabisiek ko gergeiit en kogimet ab panda ab tai en Kenya. Kebeberweek che nyorotin kigochin tororetet nemi barak;
- Besenwogiik ak melekwoogik en emeet kepchee kwoechin en ibinweek a bra ak chebo tun;
- Kiboisien rabisiek ab emeet en or nebo gomonuut en kasarta age tugul.

17. Tetutiik chegisibi en boisionik ab emeet:

- Boisiet nemi barak;
- Ng'omnot en olegiboisioto mogornotet ab emeet;
- Kichomchin biik kogon kerenywaan en tileet ab ng'aleek che tinye icheget;
- Boisiet ak kandoinatet ne mobo un'gat
- Boisiet ne mogigoenge;
- Kigochin chi tugul boroinde en siret ab boisiosiek ab emeet:
 - i. Murenik and kwonyiik;

- ii. Biik ab bororiosiek tugul;
- iii. Biik chemomuchege.

18. Mwoe Ng'otutiet Neo ne leel kole kalyeet en emeet ko geriib sobondo ab biik ak keger kele mobookji chi (emeet age) Kenya en kasarta age tugul. Kalyeet ab emeet ko panda ab tai nemi emeet. Konu kora Ng'otutiet Neo ne leel tetutichu en ng'aleek ab kalyeet:

- Riibe emeet Ng'otutiet Neo ak kot neging'oten ng'otutiik;
- Ribeet ab kalyeet ab emeet kosibi ng'otutiik, demokrasia ak imanda ab biik;
- En riibenywan nebo emeet, kogonyiti koboitinik ab emeet atebwoogik chebo bororiosiek che ter-ter en Kenya;
- Siret tab biik en boisionik ab kalyeet (National Police Service, Kenya Defence Forces ak National Intelligence Service)koboru itondo ab bororiosiek che ter-ter en meet.

19. Tiendo ab Bororiot (National Anthem) ko kebeberta ab Ng'otutiet Neo ak komwoe kole:

- Itorore Kamuktoindet;
- Imanda;
- Kipagenge nebo emeet;
- Kalyeet and katiaknatet;
- Panada ab tai nebo emeet;
- Boisionik;
- Chamet ab emeet;
- Ribeet ab ateboosiek ab bororiosiek;
- Borotet ab boisionik.

Tiende ab Bororiot en Ng'otutiet Neo ne leel koboru kole konuge biik kosib Ng'otutiet Neo en kipchulyo.

Kogiboru en koindo kit neu Ng'otutiet Neo; toloita neteche bororiosiek tugul en Kenya koek biik agenge. Kotkisirto Ng'otutitioni, komuche korut emeet ne leel nebo panda ab tai.

PART II: KURGET EN KURGET

KURGET AB 1: BOUNOTET AB EMEET AK NG'OTUTIET NEO

KIMNOTET AB NG'OTUTIET

1. Ng'otutiet Neo kobou biik ab emeet;
2. Ng'otutiet Neo komi barak en ng'otutiik tugul—koboto ng'otutiik ab kipkaa ak chetile kiboitinik ab segali;
3. Yesio Ng'otutiet Neo bounotet ab tegeet;
4. Ng'otutik ab ng'wony (international treaties) chegayan Kenya kotoreti ng'otutik ab emeet;
5. Ng'otutiet Neo kogonyiti chi tugul en emeet.

TERTERINDO AB NG'OTUTIET

1. Imuche ko ng'em ng'otutik ab Kenya ng'otutik ab ng'wony. Momi or age tugul negochin biik ab Kenya boroinde ko chigil ng'otutichoton asi koger kotkonyolchin emeet anan komonyolchin.

KURGET AB 2: EMEET AB KENYA

KIMNOTET AB NG'OTUTIET

1. Sergalisiek chemengech ak neo nebo emeet koboisie en kosienet, ngandan kotelejinge ak koboisie age tugul ter;
2. Sergalit neo nebo emeet koityin emeet tugul en bousionik;
3. Amun Kiingereza ak Kiswahili koboisien biik che chang' en Kenya, ko sirutiik tugul chebo sergali kesiren kutusweechuton oeng';
4. Riibe ak kogimiite sergalit neo nebo emeet kutusweek ak sirutik ab bororiosiek tugul, koboto oleding'ololjindo ab biik chemogostoo (Kenyan Sign Language) ak Braille neboisien biik chemosoitoo;
5. Motinye Kenya kayanet agenge (State religion);
6. Tarigit 20 October kewole koek betut negibwoten nyigonik (Mashujaa/Heroes Day);

7. Atebosiek ak bitet ab bororiosiek che ter-ter kegoniyiti amun choton ko tolochik chetie emeet ab Kenya. Sergalit neo nebo emeet kotun koyoe kou ni:
 - i. Igimiite atebosiek ab bororiosiek tugul en Kenya—en sirutik, musong’notet ak igorweek;
 - ii. Konyiti ak kogimiite ng’omnotet ak musong’notet ab kipkaa neboisien bororiosiek che ter kosigen keljin nemuche koib borotet ak mung’aret en emeet.

TERTERINDO AB NG’OTUTIET

1. Ng’otut age tugul negonyiti, anan kotorore, kayanet agenge komagararan en demokrasia nemie.

KURGET AB 3: BIIK AK EMEET

KIMNOTET AB NG’OTUTIET

1. Tinye chi tugul imanda konyor passport anan ko kipandet;
2. Lakwa age tugul ne kwan anan ko gameenyin ko chitab Kenya (citizen) kobo agine lakweet Kenya mutiny kogimogesikyin Kenya;
3. Chi age tugul negitun chi nebo Kenya komuche kosom koek chitab Kenya yegagobata kenyisiek tisap kong’eten kitun anan kotunis;
4. a) Kichomjin chi age tugul nebo Kenya en sigeet kosom ak kobunji emeet age komagireben imandanyin kotestai ko chitab Kenya (dual citizenship);
b) Kotkomach chitab Kenya en sigeet kowekchige koboit Kenya kechomchin en kasarta age tugul;
5. Tun kisirto ng’otutiet ne aroru tuguk chemogotin (duties and responsibilities) en chitab Kenya.

KURGET AB 4: IMANDA AB BIIK (BILL OF RIGHTS)

Imanda ab Biik (Bill of Rights) nemi Ng’otutiet Noe ne leel ko momi negerge in Afrika—anan ko en ng’wony tugul—en ribeet ab imanda ab biik en Kenya. Tinye tetutik chemuche kotoret Kenya en panda ab tai.

KIMNOTET AB NG'OTUTIET

1. a) Kichomjin chi age tugul ne kaging'emen imandanyin kwo kapkirwoog ak kosom kegosyi ng'aleekjiik; b) biik chegichomjin koba kapkirwoog ko:
 - chito ne teleldechin chito age nemomuche koteleldichige;
 - chito ne teleldechin kipagenge;
 - chito ne teleldechin emeet;
 - kipagenge ne teleldechin agenge en membaek.
2. Tinye kapkirwoog kimnotet kogochi chito imandanyin yangagireben anan kelejji.
3. Imanda ab chi komi konyil ang'wan:
 - Machamda'at kiseret chito age en or age tugul;
 - Machamda'at keyai chito age koek otwogindet;
 - Tindoo chi tugul imanda kegosyi ng'aleek en kapkirwoog;
 - Tindoo chi tugul imanda kimut kapkirwoog yon kaginam.
4. Mwoe Ng'otutiet Neo ne leel kole sobondab chito konome kogagimanach lakweet, mo yon kogisich lakweet.
5. Mwoe kole imanda ab murenik ak kwonyiik kogerge—mogilotu chi en ng'al alak tugul chebo emeet ak bororiet.
6. Mwoe kole machamda'at kiloot chi amun en kit neu en sobondanyin.
7. Mwoe kole chi negigelelji en kasarta negosirto, kotoreti sergali kosich imandanyin.
8. Machamda'at kerum chi en or age tugul.
9. Rumisyeet age tugul—koboto rumisyeet ab kabwotutik ab chi komachamda'at en ng'otutik ab emeet.
10. Biret ab chito—en korgoret, en skuul anan en kapchii komachamda'at.
11. Nganda tinye chi tugul imanda kobwat anan komwa kiy negamach, ko mwoe Ng'otutiet Neo kole yetan:
 - a. Keboisien lembech en oret nemuche koib boriet en emeet;
 - b. Koliskyeet neibu chemarget;
 - c. Ng'aleek cheyach chegonu kosaske biik;
 - d. Kolutunet ab biik.
12. Kichomjin siriik ab ng'aleek kobois en katiaknatet:
 - Magaat kogochi kipagenge nebo sirisiet nebo sergali biik tugul boroinde neyoechin en kabarastaosiek ab ng'eleek;

- Konu arorunet kot negeng'oten ng'otutik negisibi en sirisiet ab ng'aleek.
13. Tinye chi tugul imanda:
 - i. Kosom ak kigochi ng'aleek ab emeet chetinye sergalit ab emeet;
 - ii. Kigochi ng'aleek chetinye chi age en baornatet asimaging'em imandanyin.
 - b. Tinye chi tugul imanda kilitiit, anan kiisto, ng'eleek chebo lembech chegagimwaitaen inendet.
 - c. Iborosto ak konete biik sergalit neo nebo emeet agobo ng'aleek chetinye sobondab emeet.
14. a. Mogitorchin chi kuchut kipangenge age tugul ne moyoni; b. Mogieten kipagenge age tugul kobois; kotkomi amunee asimogichomchi kobois, kigochin boroinde komwa enee asimagieten kobois.
15. Imanda ab chi age tugul kochut kipagenge nemokchinge, koboto kambaget (demonstration).
16. Tinye chi tugul imanda komyen olegamach en emeet ab Kenya.
17. a. Riboot mogornotet ab chi age tugul en emeet.
 - b. Momuche sergalit anan chi age tugul koeten chito age koboisien mogornotenynin.
 - c. Moribe sergalit an emeet mogornotet ab chi negisigen or nemobo iman.
 - d. Riibe sergalit musong'notet ab biik ab Kenya komaging'em.
 - e. Mwoe Ng'otutiet Neo kole imuche koib sergalit kiy nebo chi (imbaret anan ko mogornotet age tugul). Kiwekchin melekto chi negireben kiy nenyin.
18. Mwoe Ng'otutiet Neo ne leel kole kiriibe imanda ab kiboitiot age tugul en emeet. Mwoe kole tinye kiboitiot age tugul iman kigochi melekto neyomege ak boisienynin. Mwoe Ng'otutiet kole igochin mogoriot age tugul kiboitinik oleboisien ole tiliil.
19. Igochin Ng'otutiet Neo ne leel chi age tugul imanda en ng'aleel ab bolotet, mung'aret ak atebosiek chemiach en bororiet. Mwoe Ng'otutiet Neo ne leel kole chi age tugul ko:
 - a. Siche tililindo nemi barak, koboto tililindo nebo sigisieet;
 - b. Siche olemenye;

- c. Siche amitwoogik cheyome;
- d. Siche beek che tilileen;
- e. Siche kalyeet neyome;
- f. Siche somanet.

20. Mwoe Ng'otutiet Neo ne leel kole:

- Mogiyeten chi konyoiseet en nyosuut;
- Igochin sergalit chi age tugul nemomuchege tuguk che toretenge ak lagokchiik.

Tun kotou sergali ng'otutik che lelach che toreti kosuldaet tetutichu.

21. Mwoe Ng'otutiet Neo ne leel kole:

- Tinye chi tugul iman ko koboisien kutinyin ak atebenyin nebo kipkaa;
- Tinye biik ab bororiet age tugul iman ko chut kipagenge negamach, kosib ateptonywaan nebo bororiet anan koboisien kutinywaan;
- Machamda'at kisiikchi chi atebet ab bororiet age (kou keyatita).

22. Imanda ab kapchii chemi Ng'otutiet Neo ne leel ko chu:

- Riibe sergali sobondab kapchii age tugul;
- Tinye biik chegotunge imanga ne oechin;
- Iyanat kotunisiet age tugul (nebo kipkaa anan ko nebo kanisa).

23. Riibe Ng'otutiet Neo ne leel imanda ab oliik ab tuguk ab mung'aret kou ni:

- Tuguk ab mung'aret kobo barak en musong'notet ak tililindo;
- Ng'aleek ab iman en kabarastaet ab mung'aret;
- Oldoisiet ak oliet nebo iman;
- Melekto en chi negorum tuguk chegokioldechi en mung'aret;

24. Telelchinet ab boisionik ab emeet:

- a. Mwoe Ng'otutien Neo ne leel kole tinye chi tugul iman keboisiechi en chokchinet ak ore tab iman.
- b. Kotkeng'emen chi imandanyin ko tinye iman keoroichi komie.

25. Imanda ab chi negaginam, anan ko negirat, komi barak en Kenya kosir emotinweek alak en Afrika. Manyumnyum en ng'otutik chemi Ng'otutiet

Neo ne leel kelelji chi negaginam anan ko negagirat kiboitunik ab sergali, kapkirwoog anan ko korgoret.

26. Isibi Ng’otutiet Neo ne leel ng’otutik ab ng’wony en ribeet ab imanda ab lagook kou ni:

- Somanet nebo buch;
- Amitwoogik, meng’otet ak tililindo;
- Ribeet ab lagook amaging’em anan kinyasta en or age tugul—koboto otwoknotet;
- Magaat koriib sigindet age tugul lakwenyin—murenik ak kwonyik kogergeit.

27. Tinye imanda biik chemomuchege (disabled):

- Kigonyiti;
- Somanet ak tuguk che chumchume boisienywaan;
- Kigochin musong’notet ab Braille kobisien en somanet ak kinete koguiyo somenet ab eunek (Sign Language).

Mwoe Ng’otutiet Neo ne leel kole ibe sergalit kokwoutik chegochin biik chemocmuchege boroinde kelewen en teleljinat ab boisionik che ter-ter en emeet (5%).

28. Mwoe Ng’otutiet Neo ne leel akobo barnotik kou ni:

- Kigochin somanet neyome ak kanetet (training);
- Kigochin boroinde kobois en keheberweek tugul chebo boisionik ab emeet;
- Kigochin boroinde neoechin en boiosisiek an emeet;
- Kiribe komaging’em anan kong’em atebosiek cheyaach en bororiet.

29. Riibe Ng’otutiet Neo ne leel imanda ab biik chetuteen en bororiet. Ibe sergalit kokwoutik chetoreti icheget kou ni:

- Kigochin boroinde en kandoinatet ak bounotet ab emeet;
- Kigochin boroinde en somanet ak en cheng’et ab mogornotet;
- Kitoreti koriib atebenywaan ak kutinywaan nebo kipkaa;
- Kitoreti kosich beek, tililindo ak oratinweek en emeechwaan.

30. Mwoe Ng’otutiet Neo ne leel kole riibe emeet boisiek ak chepyosook. Ibe sergali kokwoutik koger kole chi age tugul nebo kenysisiek 60 ak kwo barak kosiche toreten neyome:
- Kigochin boroinde koyai tuguk chemuche en bororiet;
 - Kigochin konyit;
 - Riibe sergali ak konyitenik komaging’emen imanda age tugul.
31. Tun komiten National Human Rights and Equality Commission ne teleljin imanda ab biik:
- Kere kole mong’eme sergali ak kiboitinik ab emeet imanda ab biik;
 - Kere kole kasich murenik ak kwonyik imanda en ng’aleek ab banda ab tai en emeet;
 - Kere kole kasim sergali ng’otutik ab ng’wony (treaties) en ng’aleek ab imanda ab emeet;
 - Chigili lelutik ab koboitinik ab emeet.

TERTERINDO AB NG’OTUTIET

1. Mwoe kebebertab 27 (Article 27) nebo Ng’otutiet Neo ne leel kole kapkirwoog nebo Waislamu (Kadhi’s Courts) komi barak kosir Imanda ab Biik (Bill of Rights) amun tinye Waislamu ng’otutik che ter.
2. En emotinweek alak chetinye kapkirwoog nebo Waislamu, komachanda’at komi barak ng’otutik ab kayanet (religion) kosir Imanda ab Biik (Bill of Rights).
3. Yotomo kisirto ng’otutiet neeten kiboitinik cheribe kalyeet kombak amun en ng’emet ab imandanywaan nebo boisiet kosibke ak Article 24 (5), komomi kiy netere kiboitinichoton komanaam kambaget.
4. Ngandan mwoe Ng’otutiet Neo ne leel kole sobondab chi konome yegagimanach lakweet, ago machamda’at keturur moet—komi terchinet en biik agobo chomchinet ketutur moet kiboitiet ab tililindo en oret neu ni:
 - Yongabiit nyosuut nemoche kanyaet tomonet en chokchindo;
 - Yon nyumnyum kobeet sobondanyin tomonet;
 - Yon mioni tomonet;
 - Yon kochochi ng’otutiet age (nemo Ng’otutiet Neo).

Mwoe biik kole kimuche keboisien ng'otutieni kotururen moet kwony age tugul nemamach kosich lakweet.

KURGET AB 5: MBARENİK AK ITONDO AB EMEET

KIMNOTET AB NG'OTUTIET

1. a. Mwoe Ng'otutiet Neo ne leel kole mbarenik che tomo kigoito kobo biik ab County ngandan nomu sergalisiek chemengech (County Governments)—ak kotelelnjin National Land Commission.
b. Machamda'at kigoito anan keboisien mbarenichuton en or age tugul komogisich chomchinet nebo ng'otutiet (Act of Parliament).
c. Wizara nebo mbarenik (Ministry of Lands) kotun komotinye kimnotet neu netinye nguni en kogoitoet ab mbarenik.
d. Tun koboisie National Land Commission kosibke ak ng'otutiet, en teleljin ab mbarenik ab biik (Counties).
2. a. Mwoe Ng'otutiet Neo ne leel kole mbarenik ab biik chegiguren Community Land ko mbarenik ab bororiosiek che ter-ter en emeet.
b. Community Land ko:
 - Mbaret negigisirchi kipagengeit ab biik ab bororiet;
 - Mbaret negigigochi bororiet kotienge ng'otutik;
 - Mbar age tugul nemwoe ng'otutiet kole bo bororiet;
 - Mi kora mbaret ab bororiet kou ni:
 - i. Mbaret ne osnet, negiogisien anan ko negioen tumwek bororiet;
 - ii. Mbaret ab kiplogotinik;
c. Mbaret netomo kesirchi bororiet koteleljin sergaliseik chemengech en kainet ab bororiet.
d. Mogigoito, anan keboisien en or age tugul, mbaret ab bororiet komogisib ng'otutiet neboru imanda ab bororiet en ng'aleek ab mbaranoton.
3. a) Aroru Ng'otutiet Neo ne leel mbaret ab chito (private land) kou ni:
 - Mbaret negigisirchi chito (freehold tenure);
 - Mbaret nemi kainet ab chito (leasehold tenure);

- Mbar age tugul ne gamwa ng'otutuiet.
- b. Chi age tugul ne tinye mbaret en kainenyin koribe ng'otutik ab emeet.
4. a) Chi nemobo Kenya komuche koboisien mbaret en kenyisiek 99 kityo (leasehold).
- b) Mbarenik tugul chemi koinutik ab biik chemobo Kenya chesire kenyisiek 99 kechoru kenyisiek komosir 99.
5. Boisionik ab National Land Commission:
- Kotigon sergalit neo nebo emeet en konunet ab title deed en mbarenik en emeet;
 - Kochigil konyonyet ab biik agobo ng'emet ab imandanywaan en mbarenik chegigireb en keny—ak kotigon sergali en oret negisibi asigobiit imanda;
 - Kochigil ak kobor aisurusiek chegimuche kayach biik en mbarenik chetinye kosibke ak olegamwaita ng'otutiet.
6. Mwoe Ng'otutiet Neo ne leel kole tun kosirsie kot negeng'oten ng'otutik (Parliament) chu:
- i. Ng'otutiet neboru mbaret ne ming'in and neo negichomchin chi;
 - ii. Ng'otutiet neribe imanda ab biik chigotunge en tuguk chegigosich tuwan kong'eten kotunge;
 - iii. Ng'otutiet ne ribe mbarenik ab emeet;
 - iv. Ng'otutiet ne ribe imanda ab loogok ab chi negosirto ko maging'em—anan ko chi (kwony anan ko muren) nemeng'isie en mbaret ab chito negosirto.
- 7 Chi netinye mbar negisich en oret nebo iman, komotoreti ng'otutichu.
- 8 Ng'otutiet Neo ne leel kowmoe kole:
- Tun komine ketiik sergalit neo nebe emeet kot koit 10% nebo emeet;
 - Chi tugul kemoche kotoret sergali koriib itondo ab emeet asigobiit borotet en emeet neibu ketiik ak tiong'iik ab timin.
9. Kosyinet age tugul netinye itondo ab emeet kogonu chomjinet Parliament asimaging'em boisiet negigeyai en kotiililet ab itondo ab emeet.

TERTERINDO AB NG'OTUTIET

1. Moibor Ng'otutiet Neo ne leel kole kenysiek 99—en mbaret ab leasehold en chito nemobo Kenya—konome au.

KURGET AB 6: KANDOINATET

KIMNOTET AB NG'OTUTIET

1. a) Iboru Ng'otutiet Neo ne leel atempto neya nebo kiboitinik ab emeet (koboto President, Deputy President, Cabinet Secretary, MP, County Assembly elected officials) kou ni:
 - Boisionik ab chi che chunchundos anan kobelige ak chebo emeet;
- b) Mwoe kora Ng'otutiet kole:
 - Machamda'at en kiboitiot ab emeet koib koek nenyin kogonunotiot negogigochi emeet kobun inendet;
 - Yetan en kiboitiot ab emeet ko:
 - i. kotinye account en bengit nemi emeet age;
 - ii. kosom loan anan ko kiy negochin inendet keljin en oret nemonomege ak boisiet ab emeet.
- c) Mi ng'otutik alak kora cheeten kiboitiot ab emeet koyai boisionik chegochin inendet melekto. Koboisiechi chamait ab bolotet kiboitiot ab emeet ko machamda'at.
- d) Kiboitiot ne bute ng'otutichu kimuche kiisto en boisiet ab emeet.
- e) Kiboition age tugul negogiisto en boisiet amun mosib ng'otutik, mogechomjin koboisiechi emeet en kasarta age—agot ko telel en lewenisiet age tugul.
- f) Chi age tugul neboisiechin emeet (koboto asigariik ab luget) komogichomjin kosom koek chitab emeet age (dual citizen).

KURGET AB 7: TELELJINET AB BIIK

KOMNOTET AB NG'OTUTIET

1. Mwoe Ng'otutiet Neo ne leel kole:
 - Tun yome sergalit kosir biik ab Kenya chemenyee emotinyweek alak koek biriik ab kura en kenyisiek chebwone;
 - Biret ab kure ne gere kole kogitoret:
 - i. Biik chemomuchege (koboto biik cheyoseek and kwonyik che saloot).
- 2 Kimuche kebirchi chi kura ak kelewen (National Assembly. Senate ak County Assembly) ne momi chamait age tugul (independent candidate). Chi nemi chamait ago moche kotelel ko independent candidate koistoge en chamait araweek somok (3) kotomo koit lewenisiet.
- 3 Chomjin Ng'otutiet Neo commission ne teleljin lewenisiet ak kiwotosiek ab emeet (Independent Electoral and Boundaries Commission):
 - Koochomyo biik chetiytos en lewenisyeet ab chamaisiek;
 - Kochigil oleboisioito rabisiek chamaisiek ak biik rabisiek en kampein nebo lewenisiet.
- 4
 - a) Yome Ng'otutiet Neo ne leel koger kole constituency age tugul kotinye biik cheoechin. Kebeberweek che machaang' biik keribe komaking'em imandanywan.
 - b) kiwotosiek ak kit ne ten biik en constituency age tugul kotienge:
 - i. itondo ab constituency (geographical features);
 - ii. nganasosiek chemi;
 - iii. bororiet, historia ak atebeet ab biik;
 - c) Chong'indap biik en constituency anan ko wodit age tugul komuche komi barak anan komi ng'wony en quota negimoche ngandan mogichomdo kosir:
 - i. 40% en ngonosook ak kebeberweek che machaang' biik;
 - ii. 30% en oldage
 - d) Wole commission en abogora kiwotosiek kototun kwoechin biik chemi constituency ak quota nebo chong'indab biik.

KURGET AB 8: KOT NEGING'OTEN NG'OTUTIK

KIMNOTET AB NG'OTUTIET

1 Kot neging'oten ng'otutik ko Parliament netinye National Assembly ak Senate. Mombaek ab Kot Negin'oten Ng'otutik ko:

a) National Assembly

- i. 290 Mombaek ab constituency;
- ii. 47 kwonyiik chegileweni en County age tugul;
- iii. 12 mombaek che kwoe chamaisiek kotienge komnotet ne tinye age tugul en National Assembly. Mombaechuton 12 kotelejlin ng'aleel ab biik chemuchege, bornotik ak kiboitinik;
- iv. Speaker.

Tugul ko mombaek 350.

b) Senate

- i. 47 Senetaek cheleweni County age tugul;
- ii. 16 kwonyiik che kwoe chamaisiek kotienge komnotet ne tinye age tugul en Senate;
- iii. Kwondo agenge ak murenik agenge chetelejlin bornotiik;
- iv. Kwondo agenge ak murenik agenge chetelejlin biik chemomuchege;
- v. Speaker.

Tugul ko mombaek 68.

2. National Assembly ak Senate koboisie en kibagenge—ngangan Senate ko telejlin ng'aleek ab sergalisiek chemengech. National Assembly telejlin ng'aleek ab emeet tugul.

3. Mwoe Ng'otutiet Neo ne leel kole Parliament kosirto ng'otutik che ribe imanda ab:

- Kwonyiik;
- Biil chemomuchege;
- Bornotiik;
- Biik chetuteen.

4. Iboru Ng’otutiet Neo terigit negiyote kot neging’oten ng’otutik ak tarigit ab lewenisiet.
5. Mwoe Ng’otutiet Neo ne leel kole imuche koisto biik en boisiet memba nebo Parliament neboisiechin biik komie.
6. Tun komi en Parliament:
 - Kondoindet ab chamait neo, anan ko kipagenge nebo chamaisiek;
 - Kondoindet nebo chamait nerube en kimnotet.
7. a) Tinye chi tugul chomchinet kosom Parliament kogon wolutik alak tugul anan kowal ng’otutiet age tugul.
- b) Membaek cheyome kosirto ng’otutiet (quorum) en National Assembly ko biik 50. Senate ko biik 15.

TERTERINDO AB NG’OTUTIET

1. Amun chong’oitu membaek en kot neging’oten ng’otutik ne leel, kochong’oitu agichek rabisiek chetunboisien emeet.
2. Ngandan leweni biik che chaang’ membaek ab Senate kosir cheleweni membaek ab National Assembly, ko Senate ko kot neging’oten ng’otutik nebo ng’wony en National Assebly. Senate en emotinweek alak ko got neo.

KURGET AB 9: BOUNISIET AB EMEET

KIMNOTET AB NG’OTUTIET

- 1 President komoegu memba nebo Parliament.
- 2 Koboitinik ab emeet cheu cabinet secretaries, attorney general, principal secretaries, high commissioners ak ambassadors, kochigili membaek ab National Assembly kotomogechomji President kogochi boisiet.
- 3 Ng’olion age tugul nebo gomonuut ne magaat kotil President, ko kokwoutik chegisire—mogimwoe buch en gutit ko en nguni.
- 4 President koleweni biik chemoregunen 50% en emeet ak 25% en nusu chebo counties tugul. Kotkomabiit chi negobelis en lewenisiet ne tai, kegetyinge biret ab kura kelewen agenge en biik oeng’ che tinye kura che chaang’.
- 5 Kilewenisie en Kenya kogagobata kenyisiek mutu (5)—en kastab oeng’ (Tuesday) nebo araweetab sisiit (August) en kenyit ab lewenisiet.

- 6 Chito ne teleli komoche koek President ko tinye rubeiwondenyin netuun koegu Deputy President kotkelewen koek President.
- 7 Imuche koib kokwoutiet Parliament koisto President:
 - Kotko lel President en oret nemachanda'at en Ng'otutiet Neo;
 - Kotko lel President en oret nemachanda'at en ng'otutik ab emeet ak chebo ng'wony (international law);
 - Anan ko leluut age tugul ne nyigis.
8. Mwoe Ng'otutiet Neo ne leel kole Cabinet Secretaries (Ministaek en nguni) komo membaek ab kot neging'oten ng'otutik. Boisie Cabinet Secretaries ak Principal Secretaries (Permenent Secretaries en nguni) en oret nemi barak kot mising' en teleljin et ab boisionik ab emeet.
9. Sergalit ne teleljin President koming'in kosir nemi nguni: President, Deputy President, Attorney General ak Cabinet Secretaries (Ministaek) komosire biik 22 amoregunen biik 14.
10. Imuche koisto National Assembly Cabinet Secretary en boisiet en oret negerge ak istoet ab President.
11. Attorney General konetigone sergalit ab emeet en ng'aleek ab ng'otutik. Teleljin et ab chigilisiet ak kimut biik kapkirwoog koboisiet ab Director of Public Prosecutions.

TERTERINDO AB NG'OTUTIET

1. Moibor Ng'otutiet Neo ne leel kasarta neboisie Attorney General.

KURGET AB 10: KAPKIRWOOG

KIMNOTET AB NG'OTUTIET

1. Igochin Ng'otutiet Neo ne leel kapkirwoog katiaknatet (independence) ak Supreme Court—kapkirwoog nemi barak en emeet.
2. Kirwoogindet Neo (Chief Justice) kigochin rubeiwoot—Deputy Chief Justice.
3. Teleljinge en katiaknatet kapkirwoog en ng'aleek ab rabisiek kobun lengut negigureen Judiciary Fund.

TERTERINDO AB NG'OTUTIET

1. Iimokse emeet en tiyeet ab kanisosiek agobo kapkirwoogit ab Waislamu (Kadhi's Courts).

KURGET AB 11: SERGALISIEK CHEMENGECH

KIMNOTET AB NG'OTUTIET

1. Ibu Ng'otutiet Neo ne leel sergalisiek chemengech (County Governments) che ter en sergalisiek ab Councils (local government). Sergalisiek ab County ko 47 ago tinye County Assembly ak County Executive Committee. Memaek ab sergalit ab County ko:
 - **County Assembly**
 - i. Kileweni memba en wodit age tugul en County;
 - ii. Ng'echerok ab membaek che gikwoe kotoreti komosir murenik anan ko kwonyik eong' en somok en membaek ab Assembly;
 - iii. Memaek che gikwoe en biik chetuteen—cheboto biik chemomuchege ak bornotiik;
 - iv. Speaker
 - **County Executive Committee**
 - i. County Governor (negileweni);
 - ii. Deputy County Governor (rubeiywoot);
 - iii. Memaek che gikwoe County Governor en biik chemo membaek ab County Assembly. Konu kochomjinet County Assembly.
2. Ngonosook chemi County age tugul kigochin bounisienywaan ne ter;
3. Iboru Fourth Schedule en Ng'otutien Neo ne leel olegigipjeita boisionik ab sergalisiek ab County ak sergalit neo nebo emeet. Boisio nemogibor en Fourth Schedule koyoe sergalit neo.
4. Memaek ab County Assembly ak County Executive Committee konyolu ko:
 - Komosire murenik anan ko kwonyiik oeng' en somok (2/3);

- Koboru itondo ab bororiosiek che ter-ter cheming'isie en County.

KURGET AB 12: RABISIEK AB EMEET

1. Mwoe Ng'otutiet Neo ne leel kole:
 - Rabisiek chegiyumi en emeet kopjee sergalit ab emeet ak sergalisiek chemengech;
 - Kimuch kotokepjechi rabisiek alak sergalit ab County;
 - En kenyit age tugul, rabisiek chegigochin sergalit ab County ko 15% en rabisiek tugul chegayumi sergalit neo.
- 2 Equalisation Fund ko lengut netun kindoo 1% chebo rabisiek ab emeet. Rabisiechu keboisien kigimiiten keheberweek chemi ng'wony pandap tai—kou beek, oratinweek, tililindo ak sitimeet.
- 3 Kichomjin sergalisiek ab County koyum rabisiek agichek.
- 4 Kichomjin sergalisiek ab County kosom rabisiek (loan):
 - Kot koteleldechi (guarantee) sergalit neo;
 - Kot kochomji County Assembly.
- 5 Commission on Revenue Allocation, ko commission:
 - Neboru olegipjeito rabisiek:
 - a. sergalit neo ak sergalisiek ab County;
 - b. sergalisiek ab County en County
- 6 Mwoe Ng'otutiet Neo ne leel kole alet ab tuguk ab sergali (public procurement) keyoe en oret nebo iman, nemotinye ung'at anan ko kolotuunet en chi age tugul ne moche kosom kwoldechi sergali tuguk.
- 7 Mwoe Ng'otutiet Neo ne leel kole ng'ololjindos sergalit neo ak chebo County en tetutik ak boisiet ab rabisiek (budget). Kichomjin biik kochigil tetutik ab budget ak komwa kerenywaan. En nguni koteleljin sergalit neo (Ministry of Finance) inegen tetutik tugul chebo boisiet ab rabisiek.
- 8 Commission nebo melekwojik ab kiboitinik (Salaries and Remuneration Commission) ko:
 - Tete en abogora melekto nesiche kiboitiot age tugul nebo sergali (koboto President, Deputy President, MPs ak Cabinet Secretaries);
 - Itigone sergalit neo ak chebo County agobo melekwojik chenyonu kogichi kiboitiot age tugul nebo sergali.

KURGET AB 13: BOISIONIK AB EMEET (PUBLIC SERVICE)

KIMNOTET AB NG'OTUTIET

1. Mwoe Ng'otutiet Neo ne leel kole boisiet ab emeet (public service) ko neribe imanda ab chi age tugul, motinye kolotunet anan ko ung'at age tugul.
2. Public Service Commission ko sire biik ak kogochin kiboitunik tetutik ab boisionik en oret neibu panda ab tai en emeet.
3. Mwoe Ng'otutiet Neo ne leel kole tun kisirto ng'otutiet kot negeng'oten ng'otutik ne teleljin sired ab kiboitunik ab serigalisiek ab County.
4. Mwoe Ng'otutiet Neo ne leel kole titye kiboitunik ab sergali iman kobois komotinye koiweisio age tugul, anan keisto en boisiet en oret nemobo iman.
5. Mwoe Ng'otutiet Neo ne leel kole commission ne sire konetik, Teachers' Service Commission, koboisie kou ni:
 - Igochin sergali kotigonet en sired ab konetik, ak somanet nemagaat en konetindet age tugul.

KURGET AB 14: RIIBET AB KALYEET

KIMNOTET AB NG'OTUTIET

1. Riibet ab kalyeet en emeet komi eunek ab kiboitunik ab sergali (national security organs).
2. Boisionik ab Kenya Police Service ak Administration Police kondochin National Police Service.

TERTERINDO AB NG'OTUTIET

1. Moibor Ng'otutiet Neo oleboisioito asigariik ab Forest Service Police, City Council Police ak Kenya Wild Service Police.
2. Mogigochi asigariik ab luget (Defence Forces) oret ne gararan en kertgong'et ab kiboitunik che ga galel kuo en emotinweek alak.

- 3 Nyolu kesir chito kotienge kamugenyin en Defence Forces; en nguni kesire chito kotienge bororiet neyobu inendet.

KURGET AB 15: COMMISSIONS

KIMNOTET AB NG'OTUTIET

1. a) Mwoe Ng'otutiet Neo ne leel kole tun komi commissions chetelejlin boisionik ab emeet:

- Kenya National Human Rights and Equality Commission;
- National Land Commission;
- Independent Electoral and Boundaries Commission;
- Parliamentary Service Commission;
- Judicial Service Commission;
- Commission on Revenue Allocation;
- Salaries and Remuneration Commission;
- Teachers' Service Commission;
- National Police Service Commission.

- b) Ofisisiek alak ko:

- Auditor-General
- Controller-General

3. Boisionik ab commission ko chang' ak kogimen—imuche kochigil ofisisiek ab bounotet ab emeet (Executive).

TERTERINDO AB NG'OTUTIET

1. Imuche kosirge commissions ak Executive amun chaang' boisionik chegigigochi commissions.

KURGET AB 16: WALET AB NG'OTUTIET NEO

KIMNOTET AB NG'OTUTIET

- 1 Mi kebeberweek chebo Ng'otutiet Neo chemogiwole komayan biik en referendum. Kebeberwechoton ko:
 - Kiwootosiek ab Kenya;
 - Kimnotet ab biik en bounotet ab emeet;
 - Bill of Rights;
 - Boisiet ab President;
 - Boisionik ab kapkirwoog;
 - Boisionik ab Parliament;
 - Sergalisiek ab County;
 - Walet ab Ng'otutiet Neo.
- 2 Kewal kebeberwechu ko ui amun:
 - Moche 20% chebo biik chetinye kura en Kenya ak nusu chebo Counties en kura nebo referendum;
 - Moche kayanet ab biik che chang' en emeet (biriik ab kura) en referendum.
- 3 Kimuche kewal kebeberweek alak oeng'u en somon (2/3) chebo membaek ab National Assembly ak Senate.
- 4 Imuche kowal biik ab Kenya Ng'otutiet Neo en oret ne u ni:
 - Koyan biik millionit agenge (1 million) ak konde seii kartasit nesome walet;
 - Koyan County Assembly chechaang' – County Assemblies 24 en nguni;
 - Kokwoutiet nesibi, ko kosirsi membaek ab Parliament walet ab Ng'otutiet Neo. Yome membaek tuteen kosirsi (simple majority);
 - Kot komosirto membaek ab Parliament, keibe kwo referendum ne emeet;

TERTERINDO AB NG'OTUTIET

- 1 Ui mising' kewal Ng'otutiet Neo.

KURGET AB 17: NG’OTUTIK ALAK

KIMNOTET

Tun kotinye chi age tugul chomjinet kwo kapkirwoog ak koet walet ab Ng’ututiet Neo. Chito nemuche koet walet ko:

- chito ne teleldechin chito age nemomuche koteleldichige;
- chito ne teleldechin kipagenge;
- chito ne teleldechin emeet;
- kipagenge ne teleldechin agenge en membaek.

2 Ng’otutiet Neo ne leel:

- Kotorore atebto ne gararan nebo biik
- Kogimiite imanda ak katiaknatet ab biik;
- Kochomjin emeet kotes ng’otutik chelelach;
- Kogimiite bounisiet nebo barak.

KURGET AB 18: TETUTIK AK KOKWOUTIK

KIMNOTET

- 1 Yegisirto Ng’otutiet Neo ne leel en referendum, kosirto Parliament ng’otutik 50 che lelach. Ng’otutichu lelach ko chetoreti emeet konam koboisien Ng’otutiet Neo ne leel. Ng’otutik alak chebo geny koebu buch yegogisirsi ng’otutichu lelacl.
- 2 Constitutional Implementation Oversight Committee ak Commission for the Implementation of the Constitution ko chetun toreti en kobois Ng’otutiet Neo ne leel.
- 3 Inome koboisie Ng’otutiet Neo ne leel betusiek 14 en referendum—motiny ko monde seii President.
- 4 Tun kechigili kirwogiik (judges) tugul (koboto Chief Justice) kotomo kechomji kotes tai ak boisiet.

- 5 Provincial Administration kewole itondo ak oleboisioito en sergalisiek ab County.

TERTERINDO

- 1 Kot kosir Ng'otutiet Neo ne leel en referendum ak kobois kotomo lewenisiek ab 2012, kochutege keheberweek che ter en Ng'otutiet ne leel ak neyos (Interim Constitution) ak koib uindo ab boisionik.
- 2 Kot kosirto Parliament ng'otutik che lelach en kasarta ne gararan, ko nyumnyum komobois komie teleletin ab biik ak bounotet ab emeet.
- 3 Amun chang' ng'otutik che magat kisirto (50) en chokchinet, ko uitu kobois Ng'otutiet Neo ne leel en oret ne gararan.
- 4 Amun tun komi kapkirwoog ne leel, ko nyum nyum ko bois kirwogiik (judges) en nyogoriet; kou noton ko muche ko ng'emak boisionik ab emeet.

KOGESUNET

Inoni ko Ng'otutiet Neo ne leel en nwogindo. Kagiynom kiboru kit nemie ak ne magararan en Ng'otutiet Neo ne leel asigotoret chi age tugul kotil enegen ko kobirchin kura anan komobirchin.

Kimoche koguyo biik ab Kenya kole, kot kowirta Ng'otutioni leel ko kogochin Ng'otutiet Neo ne yos kasarta ne leel kobois. Tinye biik ab emeet imanda ko eisio anan koyan Ng'otutioni leel.

Koesio anan koyan chito, ko wolutienyin inegen. Biret ab kura (referendum) chebo Ng'otutiet Neo komagerge ak biret ab kura chebo lewenisiet. Ng'otutiet Neo kogonu tetutik ab kandoinatet ak bounotet en kenyisiek che chaang; ko lewenisiet ab kandoik kobo kenyisiek muut (5) kityo. Ko kou noto, konyolu en chi age tugul nebo Kenya koguiyo kit ne mwoe N'gotueit Neo ne leel asi ngobire kura kongen kole birchin kura sobondanyin ak lagookyik nebo koron.